



Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

Sinerissami tarnimikkut nappaatillit assigiiaarnerusumik pitsaanerusemillu sullinneqarnissaat anguniarlugu Namminersorlutik Oqartussat kommunillu qanoq iliuseqarsinnaanerit pillugu apeqquteqaat aallaavigalugu oqallisissiaq.
(Inatsisartunut ilaasortaq Agathe Fontain, Inuit Ataqatigiit)

Tungavilersuut

Nunatsinni tarnimikkut nappaatillit amerlasoorujussuupput, ima amerlatigalutik innuttaasut nappaataannik taaneqartarluni. Tamatta eqqugaasinnaavugut.

Inoqatitsinni inuunerup ingerlanerani pingasut akornanni ataaseq eqqugaasarpog, annerusumik minnerusumillunniit. Eqqugaasunullu ilaqutaanullu annertuumik sunniuteqartarluni.

Innuttaasut ataavartumik nappaatillit akornatsinni ikiorluarneqarnissaminnik pisariaqartitsisuupput. Ikiorsiiimininnguaq annikitsutut isikkoqarsinnaasoq nappataannut annikillitsisarpog, inunnt pineqartunut naliitsuusoq.

Nappaatip sunniutai assigiinngissinnaasarput, pisariaqarlunnarporli inuit pineqartut kikkunnit tamanit sullinneqarneri eqqumaariffiginissat.

Tarnimikkut nappaatillit ilaqarput sullinneqarnerat pitsanngorsaraanni suliffeqarsinnaasut ilaatigut ullormut 8 time-unngikkaluartoq, immaqa 4 time-t.

Ilarpassuaqarput angerlarsimarusaartut inunnik allanik takorpiassanatik, susassaqanngitsutut misigisilimalersimasut, ilaatigut imminnut mattullutik inuuneqalersimasunik, tassa immiigaasunik.

Nunap innutani tarnimikkut nappaatillit ataqqigunigit pisusaaffeqarpoq sullinneqarnerat pitsaasuutissallugu, sullitassanilu eqqumaariffigisallugit.

Pingaarteqarpoq Namminersorlutik Oqartussat kommunillu qanimut suleqatigiinnissaat. Namminersorlutik Oqartussat pisusaaffigaat ungasissumik nakorsariaaseq atorlugu nakorsartitsinissani, tassanngaanaq pisariaqartitsisut kisiisa pinnagit. Pinaveersaartitsinerup anersaavani tamanna sioqqullugu nakorsartitsisarnissaq pingaartinneqartariaqarpoq, taamaaliornikkummi pinasuartumik (akut) nakorsartussat ikinnerpaaffimmiilersinnaapput.

Sulisunut atugassarititaasut pitsaasuusariaqarput, nalilersuisarnerlu assigiartoq pisariaqarpoq.

Innuttaasut paasinninnerunissat nappatip qanoq ittuuneranik annertusartariaqarpoq. Paatsuuinikkut annernartunik eqqugaasoqartarmat, immaqa tamanna siunertaanngikkaluartoq.

Oqallisissiaq siunertaqarpoq nunarput tamakkerlugu, kikkut tamarmik oqalliseqataanerisigut pitsaasumik angusaqarnissaq.

Oqallilluarisi.